

LIWAKATE TIAGO

Tiago ane idí naḡadi liwakate anigijaa niḡijo Tiago, nioxoa João, Herodes ane diigenatakata moyeloadi. Pida niḡini Tiago ane idí naḡadi liwakate baḡa Jesus nioxoa. (Awiniteloco Mateus 13.55; Marcos 6.3; Gálatas 1.19). Tiago lacilo loiigi Cristo digoida nigotaḡa Jerusalém. (Awiniteloco Atos 15.13). Didikotibige loiigi Goniotagodi ane ilaagitibigiwaji leegodi romaanotedi moiatetibigiwaji. (Awiniteloco 1.1).

Tiago eo loniciwaḡa niḡijoa anoiatetibece me datiteteloco monakato Goniotagodi, codaa me deḡeyamaḡaticoace. Yakadi me ninitibigiwaji leegodi Aneotedoḡoji midioka limedi me yaxawatediogi, idaaḡida me nawikodeeḡa. Tiago yalaḡata me leeditibige me jaḡa niḡina ane niḡetedoḡowa Aneotedoḡoji, leegodi aḡica ane jaḡa niḡina oko daḡa wajipatalo lotaḡa Aneotedoḡoji, pida aḡeyiwaḡadi. Niḡina oko anewi metiwaḡataka idioka limedi meo niḡina Aneotedoḡoji ane iḡete. Aḡele diginoka jilenagaḡatibigo niḡinoa liicotedi, odaa agotigica jaḡa niḡinoa madewetedi, leegodi Aneotedoḡoji idokida anigotediogi inatawece oko. Tiago yalaḡata me leeditibige me jajacaḡataḡa ḡonioladi, codaa eledi yalaḡata me deḡele me jemaanaga niḡinoa aninoatigi digoina iḡo. Leeditibige me jowoḡa niḡida ḡodewiḡa digoina iḡo aleegi, yediḡa me ixomaḡatice. Noḡowidijedi lotaḡa Tiago yalaḡata me deḡele me jikanaga me jotaḡanaga Aneotedoḡoji, pida leeditibige me

nalaḡatibigoḡoji anodaḡee Elias me yotaḡaneḡe Aneotedoḡoji.

Tiago yecoeditibige niḡina anonakato Goniotaḡodi

¹ Ee, Tiago, ee liotaḡi Aneotedoḡoji iniaa Goniotaḡodi Jesus Cristo. Idecoeditibige inatawece niḡina anonakato Goniotaḡodi, niḡina judeutedi ane ilaagiteloco inoatawece nipodaḡa.

Gotiwaḡatakaneeḡi inaa ḡodixakedi

² Inioxadipi, oleetibige midioka limedi maniniitibece niḡina micotaḡalocotiwaji inoatawece ane latopaco nawikodico. ³ Iḡataḡa owoḡotitiwaji niḡinoa nawikodico moiḡee anodaḡeni manakatonu Goniotaḡodi, codaa mowo mepaanaga ḡadoniciwati mabooteḡe eletidi ḡadawikodicotiwaji. ⁴ Pida jinaga domaga anigaaxetiwaji madinatiitalo ḡadawikodico amanagawini akaami niḡica oko ane daḡa naḡamalaga metiwaḡataka, me diḡica ḡabatiḡi, codaa me diḡicata daḡaniaditibige ḡatiwaḡatakaneeḡi me ḡadewikitema Aneotedoḡoji. ⁵ Niḡica oko ḡadiwigotigitiwaji ane diḡica lixakedi, odaa ele me dipokotalo Aneotedoḡoji, odaa ja yajigote lixakedi. Iḡataḡa Aneotedoḡoji ja iḡo me yedia okanicodaḡica oko, adaciiletetema, codaa adiojotetece. ⁶ Pida niḡina oko me dipokotalo Aneotedoḡoji leeditibige meyiwaḡadi Aneotedoḡoji mewu me yajigote ane lipoketegi, codaa leeditibige me daḡa dawienataka. Iḡataḡa niḡina oko ane dawienataka liciagi niḡinoa ebekadi catinedi

akiidi-eliodi. Nişina niocodi enaketedibige ebekadi, odaa yadeegiticogi okanicodaaşica ane yemaa meyaticogi. ⁷ Nişina oko ane dawienataka ayakadi me nibeotege Goniotagodi me yajigote anigetişidi anele. ⁸ Codaa nişidi oko idioka limedi moiigi lowooko, codaa aşica doşoyowoşodi nişica anowo.

Icoa madewetedi icaaşicoa liicotedi

⁹ Akaami anakaami şonioxa madewedi, aniniitibece nişina Aneotedoşoji me şadawacenitedibige leeşodi makaami lionigi Aneotedoşoji. ¹⁰ Codaa akaami anakaami şonioxa liico, aniniitibece nişina Aneotedoşoji meote makaami nişina ane dişica ane jaoga, igaataşaga nişina liico icota me ma, macataşaga naşana niale lawoşo nipodigipiye anicota me ma, yadilo. ¹¹ Igaataşaga nişina naşaga leegitibigimece aligeşe, odaa ja yalegi nadegogo codaa me lawoşo, odaa ja ma ijo me libinienaga. Jişidaaşee nişina liico micota me ma, icaaşica nigaleeşidaa domaşaga diiticogi meote noojetekico.

Aneotedoşoji aşeote me jowoşaga me jaoga ane beyagi

¹² Aneotedoşoji eote me ninitibece nişina oko ane dinatitalo lawikodico. Igaataşaga nige dinatitalo inoatawece ane lawikodico, codaa nige deşeyamaşatice metiwaşataka, Aneotedoşoji yajigote naşajegi, micataşaga nişina noşeedi ane dibatege nişina nalokodeşecajo ane dinigaanye. Odaa jişidaaşee nişica naşajegi nişina oko. Aneotedoşoji eote me noşeedi midioka limedi me newişaga miniwataşaga. Codaa Aneotedoşoji

ligegi me yajigote naɗajegi inatawece niɗina oko anoyemaa. ¹³ Niɗina oko minoa lawikodico anowo me yowo meo ane beyagi, ayakadi degee, “Aneotedoɗoji eote niɗida yowoogo me jao ane beyagi.” Igaataga aɗica ane yakadi degeo Aneotedoɗoji me yowo meote ane beyagi, odaa Aneotedoɗoji aɗeote oko me yowo meo ane beyagi. ¹⁴ Pida niɗina oko nige lowoogo meo ane beyagi, yowo leegotedi niɗinoa epaa lidaɗataka lolaadi, anoinaale iniaagini niɗini oko. ¹⁵ Odaa niɗinoa lidaɗataka ɗodolaadi owo me jowooga me jaoɗa ane beyagi, odaa idatibece ja jaoɗa, odaa jiɗida ɗobeyacegegi. Odaa niɗina ɗobeyacegegi eo me ɗodeleo, eo midioka limedi me leegitalo me jotonagatedice Aneotedoɗoji.

¹⁶ Inioxoadipi yemaanigipi! Jinaɗa adininaalenitiwaji daɗaleetibige daantiɗiniaa leegodi Aneotedoɗoji niɗina me jaoɗa ane beyagi. ¹⁷ Pida inoatawece anele ane jibaɗatege icoɗotedigi miniwataga Aneotedoɗoji ane ideite ditibigimedi. Niɗina midi ane najigotedoɗowa aɗica ananiaditice. Coda a inoatawece anele icoɗotedigi miniwataga Aneotedoɗoji, Niɗijoa ane yoe aligeɗe, epenai, codaa me yotetidedi. Inoatawece aninoa diniigi, pida Aneotedoɗoji baadaɗa diniigiteda. Niɗina wa idioka limedi me doxilece, pida Aneotedoɗoji baadaɗa doxileceteda. ¹⁸ Leegodi mepaa yemaa me ee miniwa, odaa Aneotedoɗoji ibake lotaga, anewi, meote me ɗodewigatace, micataga daga gelatace me janiigatini. Eote me ɗodewigatace, odaa iniokiniwateda moko nepilidi, liciagi

miniokiniwateda me nepilidi niġinoa odoejedi nawodigijedi anonopilaġaditedio noiigi judeutedi. Niġida moko ġodiciaco niġinoa odoejedi nawodigijedi anonopilaġaditedio, odaa jiġidaagee niġijo neġeote me ġodewiġatace, Aneotedoġoji ikee micota me igelaġatidi inoatawece ane liidaġatajedi.

Leeditibige me jaoga ane liiġenatakanegeco Aneotedoġoji lotaġanaġaxi, idiġida aġele diġidokida me jajipaagata

¹⁹ Enice, analakitibige inioxoadipi yemaanigipi! Inatawece oko leeditibige me nigomaġa me najipaaga, odaa jineġepece agitatakani codaa jineġepece eliġidee. ²⁰ Igaataġa niġina oko me deliġide, aġeo ane iġenaga ane yemaa Aneotedoġoji. ²¹ Enice, ikani mawiite inoatawece ane beyagi anepaa yemaa ġadolaadi meo, codaa jinagaaleeġawii ane beyagi anidioka limeditibece mowoo mawii. Odaa adiniwikodenitibece lodoe Aneotedoġoji, codaa iwitece lotaġa ane ixotediwece ġadaaleġenali. Niġidiwa lotaġa micataġa deġelanigijedi catiwedi ġadaaleġena ane ili, codaa ida loniciwaġa mowo me ġadewikitacetiwaji.

²² Pida awiitiwaji ane liiġenatakanegeco lotaġanaġaxi Aneotedoġoji. Igaataġa akamaġa adininaaleni niġina mokajipaata, pida aġawii ane ligegi Aneotedoġoji. ²³ Igaataġa niġina oko ane mina wajipatalo Aneotedoġoji lotaġa, odaa aġeo ane liiġenatakanegegi, niġini oko micataġa daġa iwiteloco noleeġaxi me diniwi anodaagee.

²⁴ Nige diniwi, odaa joġopi, aġica daġa diniigi

anee. Pida aleegi, oadaa ja yaagiditigi niḡijo ane latopagi. ²⁵ Pida Aneotedoḡoji lotaḡa, ane diḡicata libatiigi, nikeetogowa anodaagejinaga, codaa ida loniciwaḡa me ḡodatamaḡateeteḡe ḡobeyaceḡeco. Odaa niḡina oko anele me yowotece Aneotedoḡoji lotaḡa, me daḡa yaagiditece, codaa me dioteci ane ikeeta Aneotedoḡoji lotaḡa, oadaa Aneotedoḡoji ibinie niḡini oko niḡina meo niḡijo ane ligegite.

²⁶ Niḡina oko nige diletibige daḡa diotece Aneotedoḡoji, pida ayajacaḡadi nioladi, oadaa aḡica jaogate eliwaḡatakanegēgi. Odaa niḡini oko epaa dininaale. ²⁷ Aneotedoḡoji, ane Godiodi, yakadi niḡina oko mida eliwaḡatakanegēgi ane diḡicata libatiigi, codaa mewi, niḡina me yaxawa niḡina eledi oko aninoa ane yopotibige, digo micataḡa nigaanigipawaanigi exiijigipi, codaa me wajekalodipi. Niḡina oko anewi mida eliwaḡatakanegēgi, niḡini oko ane dinotetetema niḡinoa ane napioi ane lakataḡa niḡina iḡo.

2

Leeditibige midokida ane iniḡatiogi inatawece oko

¹ Inioxoadipi, jigiwaḡatitetiwaji Goniotagodi Jesus Cristo, Niḡijoa ane Niotagodi inoatawece aninoa, codaa meliodi nimawenegēgi liciagi Aneotedoḡoji ane ideite digoida ditibigimedi. Enice, jinagawii ḡademaanigi oko leegodi anodaagee mida moko. ² Igaataḡa daḡa dakatiobece itoataale oko ane onitictetiwaji mateciḡi, onidateci niḡidoa itoataale ani libaaḡateje oolo codaa mele me dinixo, idegeledi

baḡa madewedi, laxokodi lowoodi codaa me daa.
³ Odaa jiḡinipegele mabaatege niḡijo anele me dinixo, odaa jegenita, “Anagi anicooteloco naḡani baanco anele”, pida niḡijo madewedi begenita, “Idiaaḡadabititi!”, oḡoa, domigenita, “Anagi anicooti digoina iiḡo iwai maca inibaanco!”
⁴ Niḡina nigidaaḡenitiwaji, jaḡawii niḡidi oko me daḡa diniciamico, odaa anodaaḡeni mowookoni, codaa anodaaḡeni mawini oko ja beyagi.

⁵ Anajipaatiwa akaami inioxoadipi yemaanigipi! Aneotedoḡoji ja iomaḡaditedicoace niḡijoa madewetedi niḡina iiḡo, eotedibige moyakadi meliodi eliwaḡatakaneeḡegi. Niḡina madewetedipi owidi niliicaḡajetecidi digoida miniwataḡa Aneotedoḡoji, igaataḡa Aneotedoḡoji jeḡepaa iomaḡaditedicoace eotedibige me yakadi me iiḡe laalegenali, codaa meote me lionigipi anodibatege owidi anele miniwataḡa, ane ligegi me yajigotediogi inatawece niḡina oko anoyemaa.

⁶ Pida akamaḡakaamitiwaji baḡademiitiogi niḡinoa madewetedi micataḡa niḡina oko ane digica jaḡaḡa. Pida jiḡinaaḡinoa niḡinoa liicotedi anetiḡadiboloiteenitiwaji, codaa metiḡadixigita ḡoniwinogodi moibanootaḡadici ane ḡanepilidi.

⁷ Codaa jiḡinaaḡinoa niḡinoa liicotedi ane beyagi modotaḡatibige Jesus Liboonḡadi anele. Aneotedoḡoji yajigotedaḡawatiwaji Liboonḡadi Jesus niḡijo neḡeniditedaḡawa makaami nepilidi.

⁸ Lotaaḡanaḡaxi Aneotedoḡoji nikeetogowa liigenatakaneeḡegi niḡijo ane Ninionigi inoatawece, niigenatakaneeḡegi anee, “Leeditibige memaani eledi oko aneni

makamaḡa adinemaani.” Nigoteteni niḡida niigenatakanegegi, ele aneni. ⁹ Pida nigawii ḡademaanigi oko, jaḡawii ane beyagi, codaa niigenatakanegegi ikee makaami oko ane daḡa yoteteteda liigenatakanegeco Aneotedoḡoji. ¹⁰ Igaataḡa niḡina oko nige yotete inoatawece niigenatakanegeco, pida ida onidateci ane daḡa yotete, odaa Aneotedoḡoji laagedi niḡini oko liciagi me laagedi niḡijo oko ane daḡa yoteteteda idiwatawece liigenatakanegeco. ¹¹ Igaataḡa Aneotedoḡoji niḡijoa anee, “Jinaḡaḡolaḡatakani!” Codaa eledi mee, “Jinaḡa aijee!” Nige daḡa aḡolaḡatakani, pida aijee, akaami laagedi Aneotedoḡoji liciagi niḡijo oko ane daḡa yoteteteda idiwatawece liigenatakanegeco. ¹² Enice, inoatawece ane ḡadotaḡa, codaa inoatawece anawiite, awii liciagi anodaḡee niḡina oko ane yowoḡodi Aneotedoḡoji me iloikatidi nige doḡoyoteteteda liigenatakanegeco. Niḡinoa niigenatakanegeco onikeetogowa anodaa ḡonimawenegegi me ḡodiwoko nibeyacaḡa. ¹³ Igaataḡa Aneotedoḡoji icota me iwi anigoteta, codaa me iloikatidi niḡina oko ane daḡa iwikode eledi oko. Odaa Aneotedoḡoji idaḡee aiwikode niḡini oko. Pida niḡina oko ane iwikode eledi oko, Aneotedoḡoji baḡa iwikode niḡini oko nige limedi me laaḡetedipi codaa me iloikatidi inatawece oko ane doḡoyiwaḡaditeda.

Leeditibige me jaxawanaḡa eledi oko, odaa ja jikeenaḡa me jinakatonaga Aneotedoḡoji

¹⁴ Inioxoadipi, nigica anokexaa ligegitibece me nakato Aneotedoḡoji, pida aḡeo ane iḡenaḡa me

ikee mewi mida eliwaḡatakanegegi, aḡica jaoga niḡijo ligegitibece. Codaa Aneotedoḡoji aḡeote me yewiḡatace niḡini oko diḡidoka leegodi mee mida eliwaḡatakanegegi. ¹⁵ Nigica ḡonioxa, ogoa domige ḡoniwaalo madewetedi ane diḡica lowoodaḡaḡi, oteḡexaaḡaḡa ane yeligo. ¹⁶ Odaa anigepidiḡijo niḡina akaamitiwaji jaḡabodeni, menita, “Natiinigo, ḡadixiḡaḡawa Aneotedoḡoji! Ele maniodi, madinixomi, codaa akaamele!” Pida aḡajicitatiwaji niḡica ane yopotibige. Odaa niḡijoa ḡadotaḡa aḡica jaoga. ¹⁷ Jiḡidaagee mejiwaḡatakanaga. Diḡidokida mejinaga me jinakatonaga Aneotedoḡoji, pida anejinaga me ḡodewiḡa aikee mewi me jinakatonaga, odaa ḡotiwaḡatakanegegi aḡica niwaló, pida liciagi niḡina émegegi.

¹⁸ Daḡa yema ini oko anee, “Akaami eni manakatoni Aneotedoḡoji. Pida ee eledi jinakato, codaa jaote anele.” Odaa jiḡini eledi oko ane ninigodi, mee, “Jema manikeenitiwa manakatoni Aneotedoḡoji, me diḡicata ḡabakedi anele. Pida ee baḡa jikeetaḡawa me jinakato Aneotedoḡoji leegodi niḡinoa anele ane jaote.” ¹⁹ Niḡida makaami jowoogodi me iwagaḡakani mokiniwatece Aneotedoḡoji me Gonoenogodi. Odaa doane mele! Pida jowoogotaḡa codaa me niwicidi abeyacaḡaḡa oyiwaḡadi mokiniwatece Aneotedoḡoji me Gonoenogodi, codaa eliodi modoitalo. ²⁰ Nagoodi ida yetole! Jikeetaḡawa niḡina oko midokida me ligegi me nakato Aneotedoḡoji, pida aḡeo ane liḡenatakanegegi, odaa niḡica eliwaḡatakanegegi niḡini oko aḡica

niwaló. ²¹ Aneotedoḡoji yakadi ḡonelokodi Abraão niḡijo jotigide me iḡenaga leegodi ane loenataka, niḡijo naga eyiwaḡadi, odaa ja domaḡa ibootalo Aneotedoḡoji niḡijo lionigi ane liboonagadi Isaque. Abraão eo ladienigi wetiadi, odaa ja ipeketeloco Isaque, jaigo me domaḡa yeloadi me yocaḡaneḡe Aneotedoḡoji. ²² Leegodi me nakato Aneotedoḡoji, odaa jeḡeo ane liiḡenatakanegegi Aneotedoḡoji. Igaaneḡeo niḡijo ane liiḡenatakanegegi Aneotedoḡoji, odaa jeḡepaanaga yoniciwadi eliwaḡatakanegegi. ²³ Odaa jiḡicotece niḡijo aneeta Aneotedoḡoji lotaḡanagaxi, niḡijo mee, “Abraão nakato Aneotedoḡoji, joaniḡidaa leegodi Aneotedoḡoji me yakadi me iniḡina oko ane iḡenaga.” Odaa jeḡeyatedigi Aneotedoḡoji me “Lokaagedi Aneotedoḡoji”. ²⁴ Odaa ja jakataḡa me jinataḡa Aneotedoḡoji me dibateteḡe oko me iḡenaga leegodi niḡina oko meo ane liiḡenatakanegegi Aneotedoḡoji, idiḡida aleegodi niḡina oko moka ligegitibece me nakato Aneotedoḡoji.

²⁵ Idaaḡigote Aneotedoḡoji naḡajo iwaalo agopeloa ane liboonagadi Raabe me yakadi me iḡenaga leegodi loenataḡi anele, niḡijo mele me dibateḡe mini ligeladi niḡijoa ḡoneleegiwadi liiḡexedi Aneotedoḡoji loiigi. Odaa Raabe yaḡaditiniwace niḡijoa ḡoneleegiwadi me doḡoyakadi laxakawepodi, odaa jeḡeo mopitibeci odibataeledi naigi me diḡicata ane doidetema.

²⁶ Igaataḡa jiḡidaaḡee niḡina ḡodolaadi me diḡicata ḡodiwigo miditaḡa, odaa jeḡemeḡegi. Jiḡidaḡaḡa ejinaḡa nige daḡa jaḡa ane

niigetedoƆowa AneotedoƆoji me jikeenaƆa mewi mejiwaƆatakanaga, odaa ƆotiwaƆatakaneeƆgi ja micataƆa niƆina eƆeeƆgi.

3

Leeditibige me jajacaƆataƆa Ɔonioladi

¹ Inioxoadipi, jiniƆikani deƆeliodi niƆina akaamitiwaji doƆowote me niigaxinaganadi niƆina mateciƆitiwaji. IgaataƆa owooƆotitiwaji niƆina AneotedoƆoji nige iwi anigoteta oko, daƆaxa me dakaketooƆodomi anigotedoƆowa niƆina ane jiiƆaxinaganagaƆatece lotaƆa AneotedoƆoji. ² Okotawece idioka limedi minoa Ɔobatico. Pida niƆina oko ane diƆicata me dibatá me dotaƆa, joaniƆiniaaƆini niƆica oko ane diƆicata libatiigi, odaa yakadi me yajacaƆadi lolaadi. ³ NiƆida moko jaoƆate lowacaƆa apolicaaƆanaƆa jaoƆatibige me jajacaƆataƆa, odaa jakataƆa me jadeeƆaƆaticogi niƆini eijeegagi nelegi okanicodaagica ane jemaanaƆaticogi. ⁴ Digowootiwaji naƆana etogo-nelegi. NiƆina niocodi ane yoniciwadi yamaƆa, pida jakataƆa me jadeeƆaƆa etogo-nelegi jibakenaga nolaakanaƆatawaaƆaniƆi. Odaa naƆana etogo igo niƆica ane yemaa meyaticogi niƆina nawaligenatakanaga. ⁵ JiƆidaaƆee niƆida Ɔodoceligi catiwedi Ɔonioladi. JiƆidaaƆee me lionicawaanigi me iteloco Ɔodolaadi, niƆida Ɔodoceligi catiwedi Ɔonioladi eote me idinanenaƆatece niƆinoa anicinoa ane nelecoli.

Digawinitiwaji! NiƆina Ɔalewakawaanigi yakadi meo me yabidi eliodi nialigi. ⁶ NiƆida

ḡonioladi liciagi noledi. Eetece inoatawece ane latopaco ane beyagi digoina iḡo. Joanigidaagee niḡida ḡonioladi eote inoatawece codaa eo ḡodolaadi me napioyagadi nibeyacaga. Micataga niḡida ḡonioladi daḡa noledi, niḡina noledi ane daḡa ipe, ane diiticogi oko abeyacagaga me nawikodeeḡa. Niḡini noledi yaagadi idatawece ḡodewiḡa, inatawece ḡodolaadi, inoatawece ḡodowooko, codaa ane ḡodoenataka. ⁷ Niḡina oko ida loniciwaḡateloce inoatawece ane newiḡateloce niḡina iḡo. Joḡoyokaaḡatidi niḡinoa eijedi ane doide, ilaagaxodi, inoa anigotinigi iḡo, codaa me noḡojedi. ⁸ Pida baadiḡica ane yakadi me yajacagadi niḡida ḡodoceligi. Abeyaceḡegi niḡida ḡonioladi, aḡica ane yakadi daḡa yajacagadi, codaa nolee weneeno ane ḡodeloadi. ⁹ Yakadi me jibakenaga ḡonioladi me joḡeeḡatalo ḡoniotagodi Aneotedoḡoji ane ḡodiodi. Pida eledi jibakenaga ḡonioladi me beyagi me jotaganagatibige eledi oko Aneotedoḡoji loenataka ane latopiwadi. ¹⁰ Idaaḡida ḡonioladi noditicogi notaga anodoḡetetibigimece Aneotedoḡoji, codaa me notaga ane beyagi ane dakapetege eledi oko. Inioxoadipi, ayakadi digideḡejinaga, niḡida aigenaga. ¹¹ Ina ninyoḡodi gate, inaaḡina lidi ninyoḡodi, domigidokidata ane icogotiwece? Aḡidokida ane noditicogi! ¹² Inioxoadipi, domige yakadi ana itiḡadixaga me yajigo azeitona? Domige yakadi ana libatadi uuva me yajigo fiigo? Ayakadi! Codaa niḡina lacilotibige ninyoḡodi gate ayakadi daḡa yajigo lidi ninyoḡodi.

Ica godixakedi anewi

¹³ Domigica gadiwigotigitiwaji oko aninoa lixaketedi, ane yowooḡodi inoatawece? Niḡini oko leeditibige me dineḡenaḡadi mewaligi me ikee mida lixakedi. Codaa niḡina meo loenatagi anele, oḡaa leeditibige me ibake lixakedi me diniwikodetibece lodoe eledi oko. ¹⁴ Niḡida anigida ḡadoceeḡegi, codaa nige eliḡidee catiwedi ḡadaaleḡena, codaa migoleetibige me iḡeni eledi oko madinelecaḡateeni, jinaga adinaḡaxakenitibece leeḡodi mida ḡadixakedi. Iḡaataḡa nigadinagaḡaxakenitibece, niḡida makaami awitaka, jaḡakapetege niḡijo liḡaxinagaḡaneḡegi Aneotedoḡoji anewi. ¹⁵ Oḡaa Aneotedoḡoji aniḡiniaa yajigotedaḡawa niḡida ḡadixakedi, pida niḡida ḡadixakedi liciagi lixakedi niḡina oko anida aneetege niḡina iḡo. Niḡida nixakedi ikatece ḡodolaadi meo ane yemaa, codaa icoḡoticogi minitaḡa diaabo. ¹⁶ Iḡaataḡa niḡina oko me daḡaxa loceeḡegi catiwedi laaleḡena, codaa niḡina me doletibige me yakadi naḡatetigi, oḡaa niḡina oko ailagaḡiwage, owote lakataḡa ane beyagi.

¹⁷ Pida niḡina Aneotedoḡoji me yajigote lixakedi oko, oḡaa niḡica anee me yewiḡa niḡini oko aḡica lapioyaḡajegi. Codaa niḡini oko doletibige meo niḡina eledi oko me ilagaḡiwage. Niḡini oko inoka doletibige meo aneletema eledi oko, codaa doletibige me lokaḡedi okanicodaḡaḡica oko. Codaa eliodi me iwikode eledi oko, codaa eo inokina niḡina ane yaxawa eledi oko. Niḡina meo niḡina anele, eotema inatawece oko, aḡica ane dinetetema. Aḡokeo me daḡaxa meletema eledi

oko. ¹⁸ Nişina anodoletibige mowoeledi oko me daşa nidelaşa, codaa nişina mowo me daşalee dinotigimadetiwaşe nişina oko, oteşexaaşaşa nidelaşa, liciagi enanaşanaşa. Odaa nişina anonopilaşaditio başa anee me newişa nişinaeledi oko moyaxawa me işenagaşatibişiwaji.

4

Nişina ane yemaatibigo ane lakataşa nişina okotigi nişina iişo

¹ Amiina aneotiwaji makaami dinaxakawamigi, codaa madinidelegenii? Adinidelegenitiwaji leegotedi nişinoa lemaanaga şadaaleşenali ane beyagi, joanişinaaşowote memaani midele.

² Domaşa iatenitibişetiwaji anemaani, pida aşakati, joanişidaa leegodi naşa şadigomitiwaji me aişee mawii makati nişina anemaani. Alideetiwaji, pida aşakati ane domeşemaani. Ideletigi makati ane domeşemaani, pida Aneotedoşoji ayajişotedaşawa leegodi atipokitalo. ³ Nişina mipokitalotiwaji Aneotedoşoji, odaa aşabaatege ane şadipoketegi, leegodi beyagi şadowooko mipoki. Igaataşa inokemaanitibişe Aneotedoşoji me yajişotedaşawa ganigidi şadolaadi ane yemaameo.

⁴ Nişida makaamitiwaji şadiciagi nişina ane noşolaşatakanaga, igaataşa jişijo makaami nepilidi Aneotedoşoji, pida natigide jişikani me iwitece. Joşowoogotitiwaji nişina oko ane doletibişe nişinoa ane lemaanaga nişina okotigi nişina iişo, nişini oko jeşeo me laxakawa Aneotedoşoji. Nişina oko ane doletibişe me lokaaşetedipi nişina

oko ane doḡoyiwaḡaditeda Aneotedoḡoji, niḡini oko jeḡe me laxakawa Aneotedoḡoji.

⁵ Jinagaleetibigetiwaji Aneotedoḡoji lotaḡanaḡaxi daḡatooa niḡijo ligegi, anee,

“Aneotedoḡoji ixotedioḡoji ḡodiwigo.

Pida niḡidiaaḡidi ḡodiwigo ja doletibige niḡinoa aninoatigi niḡina iḡo.”

⁶ Pida Aneotedoḡoji eote mida eliodi ḡodoniciwaga me jatamaḡajoḡotege niḡina ane beyagi. Joaniḡidaa leeḡodi Aneotedoḡoji lotaḡanaḡaxi mee,

“Aneotedoḡoji lakapetegi niḡina anagaxakeneḡegipi,

pida baḡa yaxawa

codaa me yajigote loniciwaga niḡina ane dini-wikodetibece.”

⁷ Enice, ikanitecetiwaji Aneotedoḡoji me iḡe ḡadewiḡa. Atitetiniwace aatege ḡodaxakawa, odaa jeḡeloditaḡadomi. ⁸ Ipecitege Aneotedoḡoji,

odaa nebi jaḡaga ipegitedaḡagitiwaji. Ikani mawii ane beyagi, akaamitiwaji anakaami abeyacaḡaga,

micataḡa niḡina oko me iwilegi libaaḡatedi ane napiro. Jinagaleeḡoteteni nowooko ane beyagi catiwedi ḡadaaleḡenali, akaamitiwaji

anoleetibige memaani Aneotedoḡoji, pida aḡikani moleetibige memaani niḡinoa anicinao aninoa niḡina iḡo. ⁹ Adinigecaḡaloḡotititiwaji,

acaḡetiwaji, codaa me anoenitibece leeḡodi manati ḡabeyaceḡeco. Ikani me alajikanitibece,

odaa adinigecaḡaloḡotititiwaji. Ikani maniniitibece, odaa agecaḡaloḡotiti ḡadaaleḡena.

¹⁰ Adiniwikodenitibecetiwaji lodoe Goniotagoḡodi Aneotedoḡoji, odaa jaḡadawacenitacedibige.

Agele me beyagi me jotaḡanaḡatibige eledi oko

¹¹ Inioxadipi, jinagadiniliitiwage. Niḡina ane diliko, oḡoa, domige iḡoadi nioxa, niḡini oko ja beyagi me dotaḡatibige liiḡenatakanegeco Aneotedoḡoji, codaa me beyagi me yowo liiḡenatakanegeco Aneotedoḡoji. Nige beyagi mawinitece liiḡenatakanegeco Aneotedoḡoji, oḡaa niḡida makaami aḡaleeḡoteteni niḡijoa niḡenatakanegeco, pida jaḡawii makaami niḡoḡodi niḡijoa niḡenatakanegeco.

¹² Iniwa oniniwatece ane yakadi meote niḡenatakanegeco, codaa me iwi oko, Niḡijoa Aneotedoḡoji ane yakadi meote oko me yewiḡatace, codaa me yakadi meote oko me yeleo. Pida, baḡakaami, amiijo ane yajigotaḡawa ḡanaḡatetigi me ḡadiḡoatita oko? Aḡica ane yajigotaḡawa!

Anodaḡejinaḡa me jowoḡa niḡica ane jaḡa natiinigo

¹³ Atacolitecetiwaji niḡinoa yotaḡa, akaami ane adinaḡaxakenitibece, niḡina me eni, “Niḡina noko, oḡoa, domige natiinigo, iniga manitaḡa naḡani nigotaḡa. Idiaḡejonaḡa onidateci nicaḡabi, jaḡate ḡonojetekico, oḡaa owidi inigaanyaḡatece dinyeelo.” ¹⁴ Aḡakatitiwaji midaga alitigi ḡagegi leeḡodi aḡowoḡotitiwaji niḡica ane ixomaḡateenitijo natiinigo.

Igamodaḡee ḡadewiḡa? ḡadewiḡa liciagi niḡina ewiidi niḡina me nigoitijo. Aleegi mina niḡina ewiidi, oḡaa ja ma. ¹⁵ Niḡida makaamitiwaji leeditibige midaga ḡagegi motaḡani, “Nige yemaa Aneotedoḡoji, eote ḡodoniciwaga me ḡodewiḡa,

odaa jaoga ane godowoogo me gobakedi.” ¹⁶ Pida natigide, jagadinabakenitibece leegodi makaami anaaxakenegegipi. Odaa idokeeta niqina madinabakenitibecetiwaji, odaa jagawii ane beyagi.

¹⁷ Enice, niqina oko ane domaga yakadi meo anigida anele, pida ageo, niqini oko jegeo ane beyagi.

5

Najoinegeco niqinoa liicotedi

¹ Natigide, akaamitiwaji anakaami liicotedi, atacolitece niqinoa yotaga! Anoeni, codaa macaagetibecetiwaji leegotedi gadawikodico anenagi niqina Aneotedogoji nige gadiloikatititetiwaji. ² Niqinoa ganiliicagajetecidi ja neladi. Ipilagawaana ja yelio gadowoodi libinienaga. ³ Ganibeexo codaa me ganioolo ja digowi. Odaa niqica ligowiiqa ikee makaami nilaagetedipi. Niqini ligowiiqa micataga daga yelio gadoolatedi, liciagi noledi me yalegi, odaa ja yaaqadi gadolaadi. Igaataga niqinoa nokododi matecogoteeni ganiliicagajetecidi jogowidijedi nokododi niqina iigo. ⁴ Digawinitiwaji! Jaganinaalenitiniwace codaa aqediani gadiimetedipi ane nibaagateloco gadixogotagi. Odaa Aneotedogoji aneliodi loniciwaga ja wajipatediogi me dinalomege. ⁵ Niqida makaamitiwaji inokoleetibige me gadilakiitiniwace, codaa makamaga adinocaganegeni me oniteloco niqina iigo. Jigidaa naqakaami ajakalodipi, odaa Aneotedogoji ja igo

me gadaagatitetiwaji, liciagi monigodi wacali ajakalodi baanaga icota mele monigodi moyeligo. ⁶ Odaa ja galaagetedipi codaa manigoti niḡijo oko anele, ane diḡicata mowo ane beyagi, codaa aḡica nimaweneḡegi doḡodoojetetaḡawa.

Leeditibige me idinatiḡatalo ḡodawikodico codaa leeditibige me jotaḡanegenaga Aneotedoḡoji

⁷ Akaami inioxoadipi, adinatiitalo ḡadawikodico nigepaaḡicota lanokegi Goniotaḡodi. Digawinitiwaji! Niḡina bajendeoodi nibeotege me ili niḡinoa elanigijedi nigepaaḡicota limedi me yopilaḡaditedio. Niḡinoa lawodigijedi eliodi niwalótema, pida adoḡowikomata nigetaḡa nipadi me nibeotege limedi ebicitedi. ⁸ Akaamitiwaji jiḡidaaḡenitiwaji, manibeonitege codaa jinagaḡowikomataa. Pida oleetibige matiteteloco ḡatiwaḡatakaneeḡegi, igaataḡa ja niḡepi lanokegi Goniotaḡodi.

⁹ Inioxoadipi, jinaga alaagetedetaeledi oko amanagawini Aneotedoḡoji aiwi anigotedaḡawatiwaji. Niḡica lanokegi Goniwinogodi ja niḡepi. ¹⁰ Inioxoadipi, analakitibigetiwaji niḡijo anoyelogoḡodedibece Aneotedoḡoji lowooko, odaa awii digo mijotaḡa. Nawikodeeḡa leeḡodi moditece Aneotedoḡoji ane iḡete, pida odinatitalo inoatawece ane lawikodico. ¹¹ Digowootiwaji! Jakataḡa ina me ninitibigiwaji niḡijo oko ane datitetiniwace, codaa me doḡoika monakato Aneotedoḡoji, niḡijo me nawikodeeḡa. Codaa jaḡajipaataatiwaji natematigigi Jó, me dinatitalo owidi lawikodico. Codaa owoogotitiwaji niḡijo me dawikode, odaa niḡidiaaḡidi Aneotedoḡoji ja

yaxawa, odaa owidi niḡicoa ane yajigote anele. Ewi Aneotedoḡoji meliodi meletedoḡodomi, codaa meliodi me ḡodiwikode.

¹² Akaami inioxoadipi, ejitaḡawatiwaji niḡina ane daḡaxa mida ane jaoga. Niḡina mawii ḡagegi mawii okanicodaḡica ḡabakedi, jinaḡabakeni liboonḡadi niḡiniwa ane ideite ditibigimedi, oteḡexaaḡaga niḡinoa aninoa digoina iigo, oteḡexaaḡaga okanicodaḡica gaantiḡica eledi. Pida niḡina madinilakidenitege eledi oko, onexaageni, “Jao!”, oḡoa domige eni, “Ajao!” Odaa niḡina midaga alitigi ḡagegi motaḡani, odaa Aneotedoḡoji aḡakaami laaḡetedipi nige daḡabo mawii niḡijo ane ḡagegi.

¹³ Nigica oko ḡadiwigotigitiwaji ane dawikode, ipokitalo Aneotedoḡoji me yaxawa. Nigica aneliodi me ninitibece, ele me digaanaḡatibigimece Aneotedoḡoji. ¹⁴ Nigica ane deelotika, odaa aniditiogi lacilodi anoiḡe loiigi Aneotedoḡoji moyatecoḡoteloco, odaa odipokoteloco me yaxawa Aneotedoḡoji. Codaa leeditibige moyatita najidi lacilo, oibake Liboonḡadi Goniotaḡodi modipokotalo. ¹⁵ Niḡidiwa lacilodi nigoyiwaḡadi Goniotaḡodi me icilatidi niḡina eelotaginaḡa niḡina modipokoteloco, odaa ici. Nigica loenatagi ane beyagi niḡina eelotaginaḡa, nigodipokotalo Goniotaḡodi, odaa Goniotaḡodi ja iwilegitetema laaleḡena libeyaceḡeco.

¹⁶ Enice adinatematiitiwage niḡina me idatibece ḡabeyaceḡegi, codaa ipokiteloco miniwataḡa Aneotedoḡoji niḡina eledi oko ane neelotikanaḡa, amanagawini Aneotedoḡoji

gadicilatititewaji. Niḡina oko ane iḡenaga lewiḡa nige dipokotalo Aneotedoḡoji, oḡaa lipoketegi ida eliodi loniciwaḡa, iḡaataga Aneotedoḡoji idioka limedi me wajipate niḡini oko.

¹⁷ Elias inaḡina ḡoneleegiwa digo mokotaḡa. Pida eliodi me yotaḡaneḡe Aneotedoḡoji. Oḡaa ja dipokotalo me daḡa datiode. Oḡaa aḡaleeḡica ebici deḡenitiniḡiḡo niḡicoatigilo itoatadiḡida nicaḡape niḡigo meeya. ¹⁸ Pida niḡidiaḡidi naḡa ixomaḡatediḡo niḡiḡoa nicaḡape, oḡaa ja yotaḡaneḡetace Aneotedoḡoji, dipokota me datiode. Oḡaa Aneotedoḡoji ja niwakatee eliodi ebici, oḡaa ja ilitace nawodigijedi.

¹⁹⁻²⁰ Inioxoadipi, niḡica niḡina akaamitiwaji aneyamaḡatice, oḡaa ja ika me dioteci naḡi anewi, pida niḡica eledi oko aneo mopitalo Goniotaḡodi niḡiḡo aneyamaḡatice, ele manalakitibigetiwaji, niḡina aneo niḡiḡo aneyamaḡatice mopitalo Goniotaḡodi, codaa me yaxawa me ika naḡi ane beyagi, niḡini oko ane yaxawa eledi oko jeḡeo niḡina oko abeyaceḡegi me daḡadiaa leegitalo me yototedice Aneotedoḡoji, codaa eo Aneotedoḡoji me ixomaḡateetedice niḡicoa anowidi libeyaceḡeco niḡini oko.

Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7128a549-e957-5460-8c56-0f5281edf264